



Vale of Glamorgan Council
Cyngor Bro Morgannwg

Safonau Iaith

Adroddiad Monitro Blynyddol

2018-19



1. Cyflwyniad

Mae'r Cyngor yn ymrwymedig i ddarparu gwasanaeth gwych i siaradwyr Cymraeg yn yr ardal ac mae'n ymdrechu flwyddyn ar ôl blwyddyn i wella'r gwasanaeth hwnnw.

Yn ystod 2015, cyflwynwyd Hysbysiad Cydymffurfio cyfreithiol gan Gomisiynydd y Gymraeg yn nodi pa Safonau oedd yn berthnasol i'r Cyngor.

Er mwyn cyflawni'r 174 o safonau yn yr hysbysiad, datblygodd y Cyngor Gynllun Gweithredu cynhwysfawr sydd wedi'i gyhoeddi ar ein gwefan. Caiff cynnydd ei fonitro'n rheolaidd a cheir crynodeb yn yr adroddiad hwn.

Gwnaethom hefyd gyhoeddi Strategaeth Hyrwyddo 5 mlynedd yn rhan o'r broses gydymffurfio sydd ar gael ar bapur yn ogystal â'n gwefan. Nodir manylion am y cynnydd fel Atodiad 2.

2. Prif gyflawniadau 2018/19

- **Gwefan**

Yn ystod 2018/19 parhaodd y Cyngor i adolygu cynnwys ei wefan. Rydym nawr wedi dyfeisio system a fydd yn creu adroddiadau ac yn nodi unrhyw dudalennau lle nad yw'r cynnwys Cymraeg a Saesneg yr un fath. Bydd hyn yn ein galluogi i gynnal archwiliad o'r wefan yn flynyddol i sicrhau bod y cynnwys yn gwbl ddwyieithog. Mae cynnydd gyda'r Strategaeth Ddigidol a'r gwaith o gaffael ceisiadau trydydd parti yn parhau.

- **Y Ganolfan Gyswilt a'r Prif Dderbynfeydd**

Mae'r Cyngor yn parhau i gynnig dewis i bob galwr ymholi drwy gyfrwng y Gymraeg. Defnyddiodd 699 o alwyr y dewis hwn yn ystod 2018/19. Disgwylir i alwadau drwy gyfrwng y Gymraeg a'r Saesneg leihau wrth i'r Cyngor weithredu ei strategaeth ddigidol sy'n cynnig nifer gynyddol o ddewisiadau hunanwasanaeth drwy ei wefan ac

ap dyfeisiau symudol. Mae'r gwasanaethau hyn ar gael yn Gymraeg a Saesneg a byddant yn parhau i fod felly hefyd.

Ar gyfartaledd yn 2018/19, arhosodd galwyr a ddefnyddiodd y dewis Cymraeg am 141 eiliad i siarad â rhywun, tra arhosodd galwyr a ddefnyddiodd y dewis Saesneg am 198 eiliad. Effeithiwyd ar berfformiad amser aros i raddau oherwydd trosiant staff cymharol uchel yn ystod y flwyddyn ac mae'n adlewyrchu'r ffaith ei bod hi'n anodd recriwtio a chadw staff sy'n siarad Cymraeg ar gyfer rolau gwasanaethau cwsmeriaid.

Ar ddiwedd y cyfnod adrodd cynyddodd canran y staff dwyieithog yn y ganolfan gyswllt o 21% i 23%. Mae cynlluniau hyfforddiant mewn lle i gynyddu'r ystod o ymholiadau y gall y staff dwyieithog eu datrys ar y pwynt cyswllt cyntaf. Mae'r gwasanaeth yn parhau i ddarparu gwasanaeth Cymraeg wyneb yn wyneb mewn prif dderbynfeydd corfforaethol.

Yn ystod y flwyddyn fe wnaeth y Cyngor gaffael platfform canolfan gyswllt newydd a fydd yn gwella effeithlonrwydd gweithredol ac yn cynnig sianeli cyswllt ychwanegol i gwsmeriaid, gan gynnwys sgwrsio ar y we, a gynigir trwy gyfrwng y Gymraeg. Disgwylir i'r platfform newydd gael ei gyflwyno ym mis Gorffennaf 2019 a chynnig gwelliannau sylweddol o ran profiad y cwsmer ar-lein a thrwy gyswllt uniongyrchol.

- **Hyfforddiant Cymraeg**

Mae'r Cyngor wedi parhau i gefnogi dosbarthiadau Cymraeg ffurfiol i staff yn y gweithle yn ogystal â darparu sesiynau Blasau rheolaidd mewn amryw leoliadau. Mae hyn wedi helpu i gynnal nifer y staff sy'n cofrestru eleni, sef 67. Hefyd, rydym wedi parhau i alluogi staff i fynychu dosbarthiadau yn ystod oriau gwaith a'r cyrsiau cael eu hariannu gan y tîm Cydraddoldeb a'r tîm Addysg i Oedolion. Mae staff sy'n medru'r Gymraeg hefyd yn gallu mynychu noson yn y Barri bob wythnos lle y cynigir amryw weithgareddau drwy gyfrwng y Gymraeg.

Mae'r rhaglen Cymraeg Gwaith a ariennir gan Lywodraeth Cymru yn cynnwys cwrs 'Croeso Cymraeg' y gellir ei gyrchu ar orsafoedd gwaith trwy ein Staffnet mewnol.

- **Cytundeb â Menter Bro Morgannwg**

Cytunwyd ar fframwaith ar gyfer partneriaeth yn 2016/2017 am dair blynedd. Y nod yw darparu cyfleoedd i drigolion lleol, gan gynnwys plant, pobl ifanc, teuluoedd a dysgwyr sy'n oedolion, gymryd rhan mewn gweithgareddau drwy gyfrwng y Gymraeg. Mae cyfran sylweddol o'r gwaith hwn yn cyfrannu at gynlluniau ein strategaeth 5 mlynedd – gweler Atodiad 2.

- **Cytundeb cyfieithu gyda Chyngor Caerdydd**

Llofnododd y Cyngor gontract â Chyngor Caerdydd ar gyfer yr holl waith cyfieithu Cymraeg ym mis Medi 2017 yn dilyn cyfnod llwyddiannus dan Gytundeb Lefel Gwasanaeth. Yn ystod 2018/19, cyfieithwyd cyfanswm o 2,473 o ddogfennau (1,829,783 gair).

- **Asesiad Sgiliau Ieithyddol**

Cynhaliodd y Cyngor Archwiliad Sgiliau Ieithyddol pellach ym mis Medi 2018. Rhoddodd ddefnyddwyr cyfrifiaduron wybodaeth ar eu sgiliau Cymraeg. Cyflawnwyd hyn trwy feddalwedd Metacompliance. Mae angen cynnal ymarfer pellach i gasglu gwybodaeth gan aelodau o staff nad ydynt yn defnyddio cyfrifiadur. Fodd bynnag rydym wedi gallu diweddarau manylion bron i 1600 aelod o staff ac mae hyn yn ein galluogi i dargedu gwybodaeth at siaradwyr Cymraeg yn ogystal â darparu rhestr ddiwygiedig ar gyfer defnydd mewnol.

- **Gwiriwr sillafu Cymraeg/llofnodion e-byst ac ati**

Mae staff sy'n siarad Cymraeg wedi derbyn copi o 'Cysgair' ar eu cyfrifiaduron. Rydym wedi trefnu i holl staff y Cyngor gael llofnodion dwyieithog yn cynnwys teitlau swydd, yn ogystal â chael negeseuon ddim yn y swyddfa dwyieithog. Yn rhan o

ddatblygiad diweddar, ychwanegwyd logo amlwg at enwau'r rhai hynny sy'n rhugl yn y Gymraeg a logo arall i nodi aelodau staff sy'n dysgu Cymraeg. Hefyd mae staff sy'n siarad Cymraeg a dysgwyr yn gallu gwisgo laniardiau i nodi eu sgiliau.

- **Tudalen ar y Staffnet i siaradwyr Cymraeg**

Mae tudalen benodol ar ein Staffnet sy'n cynnig gwybodaeth ddefnyddiol i siaradwyr Cymraeg ac yn nodi eu hawliau o ran dogfennau mewnol.

- **Gweithio â Dysgwyr a Siaradwyr Cymraeg yn y Fro**

Yn ystod y flwyddyn mae nifer o ddigwyddiadau wedi'u cynnal i annog dysgwyr gan gynnwys teithiau i Sain Ffagan, nosweithiau adloniant a digwyddiadau canu yn ogystal â gweithdai i'r teulu.

Trefnwyd y digwyddiadau gan y tîm Dysgu Cymraeg ac maen nhw hefyd wedi cynnal dathliadau Nadolig, Canol Gaeaf a Dydd Gŵyl Dewi. Mae digwyddiadau rheolaidd hefyd yn cynnwys dosbarthiadau adolygu i ddysgwyr, boreau coffi a Sadwrn Siarad a all ddenu hyd at 40 o bobl.

Mae dosbarthiadau hefyd wedi'u cynnal drwy gyfrwng y Gymraeg yn addysgu Sgiliau Digidol yn ogystal â dosbarthiadau darllen i ddysgwyr a siaradwyr rhugl.

Caiff podlediad newydd ei ddarlledu yn Ebrill mewn partneriaeth â Bro Radio.

3. Crynodeb o Gynllun Gweithredu'r Cyngor ynghyd â Chynnydd

	Camau Gweithredu	Meysydd dan sylw	Rhif Cyf. Safonol .	Sylw/ diweddariad
1	Darparu nodyn briffio i uwch reolwyr/aelodau etholedig i'w rannu drwy gyfarfodydd CMT/DMT a chyfarfodydd tîm	Gohebiaeth Galwadau ffôn Cyfarfodydd/apwyntiadau Digwyddiadau Cyhoeddus Cyhoeddi dogfennau i'r cyhoedd Ymatebion y cyfryngau cymdeithasol Polisiâu/strategaeth ar gael i'r cyhoedd Trwyddedau/tystysgrifau Hysbysiadau swyddogol Hyrwyddo'r Gymraeg	1-5 19/20/21 24-26b, 27a-d,30- 34,65-66 35-38 43-50 58-59 44 42 69-70 81-82 87	Cyflwynwyd nodyn biffio drwy'r Staffnet a thrwy'r briff craidd. Mae tudalen cwestiynau cyffredin ar gael ar y Staffnet. Rhoddwyd gwybod mewn cyfarfodydd tîm adrannol yn ystod Mai/Mehefin 16. Parheir i geisio cyngor gan y swyddogion arweiniol corfforaethol.

		Systemau Annerch y Cyhoedd		
2	Briffio'r Cabinet Busnes/uwch reolwyr/aelodau etholedig eraill	Gohebiaeth Galwadau ffôn Cyfarfodydd/apwyntiadau	1-5 19/20/21 24-26b, 27a- d,30- 34,65-66	Rhodddwyd gwybod i aelodau Cabinet ym mis Chwefror 16. Cynhaliwyd yr un sesiynau ar gyfer aelodau etholedig newydd yn 2017.
		Digwyddiadau Cyhoeddus	35-38 43-50	
		Cyhoeddi dogfennau i'r cyhoedd	58-59	
		Ymatebion y cyfryngau cymdeithasol	44	
		Polisiau/strategaeth ar gael i'r cyhoedd	42	
		Trwyddedau/tystysgrifau	69-70	
		Hysbysiadau swyddogol	81-82	
		Hyrwyddo'r Gymraeg	87	
		Systemau Annerch y Cyhoedd		

3	Creu tudalen ar Staffnet y Cyngor i roi gwybod i staff am eu cyfrifoldebau.	Fel uchod.	Fel uchod.	Ceir rhestr o gwestiynau cyffredin ar y Staffnet. Mae tudalen ar gyfer siaradwyr Cymraeg hefyd wedi'i datblygu.
4	Rhoi gwybod i staff drwy'r briff craidd a dulliau eraill.	Fel uchod.	Fel uchod.	Rhodddwyd gwybod i staff ym mis Chwefror 16 drwy'r briff craidd ac mae diweddariadau wedi parhau.
5	Sicrhau bod pob templed llythyr ac e-bost yn ogystal ag ymatebion i'r wasg yn dangos bod gwasanaeth Cymraeg ar gael a sicrhau bod pob aelod o staff yn eu defnyddio.	Gohebiaeth (cyfeirio hefyd at rai Safonau Gweithredol)	7 Hefyd yn ymwneud â Safonau Gweithredol 134/135	Mae templedi wedi'u cyflwyno i bob aelod o staff. Mae teitlau swyddi wedi'u cyfieithu yn ymddangos ar bob e-bost yn ogystal â logo amlwg i siaradwyr a dysgwyr Cymraeg.
6	Darparu hyfforddiant 'Cwrdd a Chyfarch' i staff rheng flaen	Galwadau ffôn/cyfarfodydd	19,20,21,24-27	Cynhaliwyd hyfforddiant i staff yn 2016/17 a hyfforddiant ymwybyddiaeth ar ddechrau 2018. Mae modiwl Croeso Cymraeg ar gael ar y Staffnet yn rhan o'r fenter groeso Cymraeg Gwaith.
7	Sicrhau bod pob aelod o staff yn defnyddio negeseuon ddim yn y swyddfa dwyieithog. Defnyddio llofnodion i ddangos a yw staff yn siarad Cymraeg.	Gohebiaeth (cyfeirio at y Safonau Gweithredol)	7, Hefyd yn ymwneud â'r Safonau Gweithredol 134/138	Yn rhan o'r Staffnet a'r briff craidd. Mae negeseuon ddim yn y swyddfa wedi'u darparu i bob aelod o staff. Yn ogystal â logo i ddynodi siaradwyr a dysgwyr Cymraeg.
8	Sicrhau bod pob datganiad i'r wasg yn ddwyieithog lle y bo'n bosibl.	Cyhoeddi dogfennau a ffurflenni	46	Mae hyn wedi'i wneud o 1 Ebrill 2016 ymlaen.
9	Sicrhau bod pob taflen, dogfen, datganiad a datganiadau i'r wasg a gyhoeddir yn Saesneg yn cynnwys cyfeiriad at y ffaith bod fersiwn Gymraeg ar gael ar gais.	Cyhoeddi dogfennau a ffurflenni	46	Mae hyn wedi'i wneud o 1 Ebrill 2016 ymlaen.

10	Trefnu cymorth i gychwyn y broses o wneud y wefan i gyd yn ddwyieithog.	Gwefan a gwasanaethau ar-lein	52-56	Mae'r wefan bellach yn gwbl ddwyieithog.
11	Trefnu i'r cam cyn cyflwyno ffurflenni fod yn ddwyieithog	Gwefan a gwasanaethau ar-lein	51	Mae rhaglenni mewnol i gyd wedi'u cyfieithu – mae rhaglenni allanol yn y broses o gael eu trefnu yn rhan o'r Strategaeth Ddigidol.
12	Sicrhau bod pob arwydd a/neu hysbysiadau newydd yn ddwyieithog gyda'r Gymraeg yn gyntaf.	Arwyddion/hysbysiadau	61-63	Mae pob aelod o staff wedi'i atgoffa o hyn.
13	Sicrhau bod y prif dderbynfeydd yn darparu gwasanaeth Cymraeg gydag arwyddion yn rhoi gwybod bod y gwasanaeth hwnnw ar gael.	Derbynfeydd	64,67,68	Mae pob prif dderbynfafa bellach yn ddwyieithog.
14	Mae'n rhaid i wahoddiadau am grantiau nodi y gellir cyflwyno yn Gymraeg ac mae'n rhaid cynnig cyfweiliadau yn Gymraeg os gofynnir am hynny. Ni cheir unrhyw oedi os defnyddir y Gymraeg. Mae'n rhaid i wahoddiadau i dendro am gontractau fod yn ddwyieithog ac mae'n rhaid iddynt nodi bod croeso i chi gyflwyno tendrau yn Gymraeg. Ni cheir unrhyw oedi os defnyddir y Gymraeg.	Grantiau/Tendrau	72-75,76-77a	Mae'r wybodaeth hon wedi'i rhannu o fewn yr adran Gyllid.
15	Asesu pob cwrs addysg newydd a gynigir i'r cyhoedd i werthuso'r angen i'w darparu yn Gymraeg <u>a chadw cofnod o'r asesiad.</u>	Addysg	84-86	Rhodddwyd gwybod i'r tîm Addysg i Oedolion a'r Gwasanaeth Ieuencid am hyn.
16	Cyfieithu agendâu pob cyfarfod Cyngor, Cabinet, a Phwyllgor	Democrataidd	41	Mae hyn wedi'i wneud o 1 Ebrill 16 ymlaen.

17	Cyfieithu cofnodion pob cyfarfod Cyngor, Cabinet, a Phwyllgor	Democrataidd	41	Mae agendâu yn ddwyieithog.
18	Cwblhau asesiad o'r effaith, gan gynnwys ystyriaeth o'r Gymraeg, ar gyfer pob polisi newydd neu rai wedi'u diwygio.	Polisiau ac ymchwil	88-97	I'w gyflawni trwy gyfeirio at adroddiadau cabinet/pwyllgor perthnasol
19	Sefydlu grŵp projectau i drefnu holiadau i bob aelod o staff	Sgiliau ieithyddol a dewisiadau iaith ar gyfer ffurflenni a gweithdrefnau	104, 127,100,101-103	Cynhaliwyd ail archwiliad yn 2018 o bob aelod o staff sy'n defnyddio cyfrifiadur ac mae'r canlyniadau nawr ar gael.
20	Cyfieithu pob polisi AD	Pob Polisi AD	105 – 111	Mae pob polisi bellach wedi'i gyfieithu.
21	Codi ymwybyddiaeth staff o ran cynnig darpariaeth Gymraeg mewn cysylltiad â chontractau, cwynion a sefyllfaoedd disgyblu	Briffio	99,114,118	Mae rhestr wedi'i llunio o'r defnyddwyr hynny sy'n gofyn am wasanaeth Cymraeg. Mae tudalen ar y Staffnet yn rhestru'r eitemau penodol y mae'n rhaid i ni eu darparu yn Gymraeg.
22	Paratoi tudalen ar y Staffnet ac erthygl briff craidd yn rhoi gwybod i staff sy'n siarad Cymraeg am eu hawliau a rhoi cymorth i ddysgwyr.	Gweithdrefnau AD	112 – 125,141-143	Mae'r rhain bellach ar gael.
23	Rhoi meddalwedd i staff sy'n siarad Cymraeg i wirio sillafu a gramadeg, yn ogystal â rhyngwynebau Cymraeg lle y bônt ar gael.	Meddalwedd TGCh	120	Mae 'Cysgair' wedi'i osod ar gyfrifiaduron pob aelod o staff sy'n siarad Cymraeg.
24	Cynnig cyfleoedd ar gyfer hyfforddiant Cymraeg sylfaenol i bob aelod o staff a hefyd i reolwyr os oes angen yn rhinwedd eu swydd. Dylai	Hyfforddiant	130 -131	Mae cyrsiau blasu yn cael eu cynnal ac mae hyn wedi helpu i gynyddu nifer y dysgwyr ar gyrsiau llawn amser.

	hyfforddiant pellach fod am ddim i'r cyflogai.			Mae pob cwrs Cymraeg am ddim ac yn ystod oriau gwaith.
25	Darparu hyfforddiant ymwybyddiaeth iaith Gymraeg	Hyfforddiant	132	Mae pedair sesiwn wedi'u cynnal hyd yn hyn ac mae mwy wedi'u cynllunio ar gyfer 2019. Darparwyd y rhain drwy'r fenter Cymraeg Gwaith.
26	Cynnwys gwybodaeth am y Gymraeg yn y Cwrs Sefydlu Corfforaethol	Hyfforddiant	133	Wedi'i chynnwys a'i chyflwyno.
27	Asesu pob swydd newydd a swydd wag ar gyfer y lefel ofynnol o allu Cymraeg fel y bo'n briodol – Hanfodol/Angen ei dysgu/Dymunol/Ddim ei hangen	Adolygu gweithdrefnau	136	Mae pob rheolwyr wedi cael gwybod. Mae pob swydd bellach wedi'u categorio naill ai fel Cymraeg Hanfodol neu Ddymunol
28	Mae'r holl ddeunydd perthnasol yn ymwneud â recriwtio ar gael yn Gymraeg ac yn Saesneg.	Gweithdrefnau recriwtio/dethol	137	Wedi'u cyfieithu ac yn cael eu dosbarthu
29	Paratoi polisi ar ddefnydd mewnol o'r Gymraeg	Ymwybyddiaeth	98	Mae copi ar gael.
30	Dylai'r fewnwyd fod ar gael yn Gymraeg – hafan, tudalennau newydd/wedi'u diwygio a dewislenni.	Tîm Cyfathrebu/TGCh	122-126	Mae tudalennau dwyieithog ar gael ar y Staffnet.
31	Cyrsiau AD penodol i'w cynnig yn Gymraeg - <ul style="list-style-type: none"> - Recriwtio a Chyfweld - Rheoli Perfformiad - Gweithdrefnau Cwyno a Disgyblu - Sefydlu - Delio â'r cyhoedd 	Hyfforddiant AD	128	Mae'r canlynol wedi'u cynnal - Gweithdy digidol Sadwrn Siarad Sgwrs Fawr Mae cyrsiau ar-lein yn cynnwys - Diogelu Trais yn y Cartref Atal

	- Iechyd a Diogelwch			
32	Darparu hyfforddiant ar ddefnydd effeithiol o'r Gymraeg mewn cyfarfodydd AD	Hyfforddiant	129	Bydd hyn yn cael ei drefnu yn 2019.
33	Nodi aelod o staff ym mhob adran i weithredu fel hyrwyddwr.			Mae hyn wedi'i wneud ac mae rhestr ar gael.

4. Gwybodaeth am berfformiad

Mae'r Cyngor yn casglu ac yn adrodd gwybodaeth am bob mesur sy'n fesur statudol cenedlaethol ac mae'n pennu targedau ar eu cyfer. Rydym hefyd wedi mabwysiadu nifer gyfyngedig o ddangosyddion lleol sy'n cynorthwyo'r gwaith o fesur cynnydd yn erbyn y cynllun hwn. Mae'r wybodaeth hon ar gael yn gyhoeddus drwy Gynllun Gwella'r Cyngor a thrwy gynlluniau gwasanaeth, sy'n cael eu cyhoeddi bob blwyddyn ac sydd ar gael ar wefan y Cyngor - www.valeofglamorgan.gov.uk

<http://www.valeofglamorgan.gov.uk>; neu www.bromorgannwg.gov.uk
<http://www.bromorgannwg.gov.uk>

Yn ogystal â hyn, mae'r Cyngor yn cyhoeddi'r adroddiad hwn ar adran Gydraddoldeb gwefan y Cyngor ynghyd â data arall am faterion iaith.

Mae'r wybodaeth isod yn ymwneud â dangosyddion ar gais Comisiynydd y Gymraeg

<p>Safon 158 (2) 164 (2) 170 (2d)</p> <p>Nifer y cwynion am weithredu'r Cynllun Iaith Gymraeg.</p> <p>Bydd y dangosydd perfformiad hwn yn cael ei fesur ar sail nifer y cwynion am gynnwys neu'r dull o weithredu Safonau'r Gymraeg.</p>	<p>Cawsom wybod am 10 ymchwiliad eleni – cafodd 3 ohonyn nhw eu terfynu gan Gomisiynydd y Gymraeg. Rydym yn disgwyl canlyniadau 4 ymchwiliad, mae dau wrthi'n cael eu datrys ac mae un yn cael ei herio.</p>
<p>Safon 170 (2a)</p> <p>Nifer yr aelodau staff gyda sgiliau Cymraeg yn y Cyngor.</p> <p>Mae'r dangosydd hwn wedi'i fesur fel rhan o'r Arolwg Sgiliau Ieithyddol ym mis Medi 2018.</p>	<p>Cynhaliwyd arolwg sgiliau ieithyddol ar ddiwedd 2018 o holl ddefnyddwyr cyfrifiaduron. Dangosodd hyn fod 122 aelod o staff yn disgrifio eu sgiliau fel 'da' neu 'rhugl' o 1572 ymateb. Mae hyn yn cynrychioli canran o 6%. Mae ychydig o gannoedd o ddefnyddwyr na atebodd yr arolwg ac rydym wrthi'n cysylltu â'r rhain. Hefyd cynhelir</p>

	ymarfer pellach i adolygu'r wybodaeth ar aelodau o staff nad ydynt yn defnyddio cyfrifiadur.
<p>Safon 170 (2a)</p> <p>Nifer y staff sy'n ymgymryd â hyfforddiant ac i ba lefel/gradd o hyfedredd.</p> <p>Bydd hyn yn seiliedig ar nifer y staff yn ymgymryd â hyfforddiant Cymraeg a ddarperir gan y Cyngor. Adroddiad y mesur hwn fel rhif o dan bob un o'r categorïau: Mynediad a Sylfaen; Canolradd; Uwch; Uwch/Meistroli.</p>	<p>Lefel Mynediad 26</p> <p>Sylfaen 30</p> <p>Canolradd 7</p> <p>Uwch/Meistroli 5</p> <p>Cyfanswm 68</p>
<p>Safonau 154, 170 ch)</p> <p>Nifer y swyddi newydd a gwag a gategoreiddiwyd fel Cymraeg hanfodol a dymunol.</p>	<p>Rhwng Ebrill 2018 a Mawrth 2019 – cafodd 595 hysbyseb eu logio:</p> <ul style="list-style-type: none"> • 20 Cymraeg yn hanfodol • 575 Cymraeg yn ddymunol <p>Mae pob hysbyseb naill ai â'r Gymraeg yn hanfodol neu'n ddymunol.</p>

Blaenoriaeth y Cyngor ar gyfer 2019/20 yw cynyddu nifer y siaradwyr Cymraeg yn y gweithlu a pharhau i hyrwyddo defnydd o'r iaith yn y Fro.